

Kein 1: Jibed “Apply (Lelok Melele)” ilo Pej eo Imaan an Travis Companies Scholarship



Kein 2: Kōmmane juon Akkaun

Jouj im taipi melele ko am iloan bok ko ilo pej in ekoba:

Etan First Name

Etan Last Name

Email Atorej (loloorjak ejellok bōd)

Innem, kōmmane juon password.

Taipi password eo am iloan Bok eo “Password”, innem bar taip iloan bok eo “Confirm (Kamool)”

Āliktata, jibed “Create Account (Kōmmane juon Akkaun)”

A screenshot of a web form titled "Create an account for Scholarship America". At the top, there are two tabs: "I'm a new user" (selected) and "I already have an account". Below the title, there is a "Signup with Google" button. A horizontal line with "OR" in the center separates this from the manual registration fields. The fields include: "First name" (with a blue border and a cursor), "Last name", "Email", "Password" (with an eye icon to toggle visibility), and "Confirm" (with an eye icon). Below the password fields, there is a text requirement: "Use 6 or more characters, including at least one upper case character and one lower case character and one digit." At the bottom of the form is a "Create Account" button. Below the button, there is a line of text: "You agree to the software's [Terms of Service](#) and [Privacy Policy](#)."

Kein 3: Lale Email eo Am

Kwōnaj loe email in jen Scholarship America ewōr juon kakōlle ñan taip iloan pej eo juon ilo ablikajon eo am.

Jouj im taipi kakōlle in ilo pej eo aunlain an ablikajon eo.



You have selected this email address as your new **Scholarship America** account on NextZen. To verify this email address belongs to you, please enter the code at the bottom on the email verification page:

Why did you receive this email?

Scholarship America requires verification for all email addresses used for creating accounts. You cannot use your account till it's verified.

If you did not make this request, you can ignore this email.

0 9 1 5 2 3

This code will expire 10 minutes after this email is sent.

Ukok in Email Majej:

Emōj am kelet email atorej in ñan akkaun eo am ekāāl ibben **Scholarship America** ilo NextZen. Ñan kamool ke am email atorej in, jouj im likūt kakōlle eo itulal in peij in kamool email eo:

Etke kwar loe email in?

Scholarship America ej aikuj kamool ñan aoleb email atorej ko emōj kōjerbal ñan kōmman am akkaun. Kwōjab maron kōjerbal akkaun eo am mae ien emōj kamool.


Ñe kwar jab lelok kajjitōk in, kwōmaron kōjekdoon email in

KAKÖLLE IJIN

Kakōlle in enaj bōjrak an jerbal 10 minit ālikin aer jilkinwaj email in.

Taipi kakōlle eo ijin:

Welcome

 chianarenephoto@gmail.com

To continue, verify code sent to ...

chianarenephoto@gmail.com


[Send new code?](#)

Next

Kein 4: Kanne Melele ko kōn Kwe ilo Scholarship America.

Ilo ien emōj am diwōjlok jen akkaun kāāl eo am ibben Scholarship America, kwōnaj kanne Melele ko kōn Kwe ilo Scholarship America. Am bebe in kanne melele kāāl ko kōn kwe ilo peij eo aunlain an Scholarship America.

Jibed “Get Started (Bojak in Jinoe)”



Ukok an Peij in Melele:

Karuwainene eok ñan jikin Melele ko kōn Kwe ilo akkaun eo am ilo Scholarship America!

Melele ko kōn kwe rej jibañ an lablok amim melele kōn kwe im lewaj jāān in jikuul ko rejejjet ñan melele ko am, ta ko eitok limoom kake, im ta ko emōj am katak ak jela. Melele ko kwōj letok renaj kōjjerbal ñan jibañ ablikajon eo am ilo ien in, im, ñe kwōnaj kelet, emaron jibañ kalikar lablok in jāān in jikuul ko jet kwōmaron tōbrak ñan, im ejab aikuj am bar kanne jet ablikajon. Aoleb ien am bebe ta melele ko kwōj lelok, im uwaak ko am renaj kōjjerbal wōt ñan jermal ko rej ikijen jāān in jikuul.

Kanne aoleb jikin ko kwōj aikuj ilo peij in. Melele kein Ekoba:

1. Etan First Name
2. Etan Last Name
3. Raan in Lotak (Ta raan in lotak eo am?)
4. Leddik ke Laddik (Ewi wāween am kalikar ñe kwe leddik ak laddik?)
 - a. Kelet ko: Laddik, Leddik, Jab kōnaan Uwaak

5. Jouj im kelet melele eo ej kalikar kwe riia/kain armej emmontata an kōmelele kwe.
 - a. Kelet ko: American Indian ak Alaska Native, Asian, Rikilmej ak African American, Hispanic ak Latino, Middle Eastern ak North African, Native Hawaiian ak Pacific Islander, Ribelle, Multi-racial, Bar juon, Jab Kōnaan Uwaak

Melele ko ñan Tōbar

6. Email Atoej eo Am Make (Ta email atorej eo emmontata ñan jeje waj?)
7. Talebon eo Kein Kajuon (Ta talebon nomba eo emmontata ñan tōbar kwe?)
8. Atoej an Mweo Imōm
 - a. Aelon
 - b. Atoej Lain 1
 - c. Atoej Lain 2 (am bebe)
 - d. City
 - e. State/Province/Region
 - f. Postal/Zip Code

Melele kōn High School ak Kaloj ak Jikuul eo Eutiejlak

9. High school ak kaloj ak jikuul eo eutiejlak (Ta high school ak kaloj ak jikuul eo eutiejlak kwar jikuul ie ñe ejab kwōj jikuul ie kiō? Ñe kwōjab loe jikuul eo am, jouj im taip/bukōt "Not Listed (Ejab Laajrak Etan)." Ñe kwe juon rijikuul eo ej katak mweo imōn im ejab koba ibben juon jikuul, jouj im kelet "Home School – General (Jikuul Mweo Imōn – Katak ko Ekkā)." Jino am taipi juon naan aurok ilo jikin kanne eo ijin lal ñan an walok melele ko kwōmaron kelet.)
10. Kwar ke kelet "Not Listed (Ejab Laajrak Etan)" jen melele ko rej walok kōn high school ak kaloj ak jikuul eo eutiejlak? (Elañe aet, jouj im kelet Aet ijin lal innem taipi aoleben etan jikuul eo am.)
 - a. Ñe kwōnaj kelet "Yes (Aet)": Jouj im letok etan jikuul eo am ijin.
11. Emōj ke am kadiwōjlak jen high school ak kalor ak jikuul eo eutiejlak?
12. Raan in Kadiwōjlak jen High school ak kaloj ak jikuul eo eutiejlak (Allōñ im iio ta eo kwar kadiwōjlak (ak katmane am naj kadiwōjlak)?)
13. Kwōj kilaaj jete kiō (Jete kilaaj eo am kiō?)
 - a. Kelet ko: Kilaaj Pre-K – 5; Kilaaj 6 – 8; Kilaaj 9 ilo High School; Kilaaj 10 ilo High School; Kilaaj 11 ilo High School; Iiō eo āliktata ilo High School, kilaaj 12, ak kaloj ak jikuul eo eutiejlak; Iiō eo kein kajuon ilo Kaloj; Iiō eo kein karuo ilo Kaloj; Iiō eo kein kajilu ilo Kaloj; Iiō eo kein kamen ilo Kaloj; Iiō eo kein kalalem ilo Kaloj; Iiō eo kein kajilijino ilo Kaloj; Jikuul in Graduate; Ejab jikuul ilo ien in im emōj bōke tiploma in high school/GED; Ejab jikuul ilo ien in im ejañin bōke tiploma in high school/GED; Bar juon

Melele kōn Katak

14. Aoleben Joñan GPA ilo Kein Bōnōbōn eo ej 4.00 (Ta aoleben joñan GPA eo am ilo ien in? (Kōjberbal kein bōnōbōn eo ej 4.0 elañe kwar jikuul ilo Amedka ak Canada. Nomba eo aikuj 4 ak diklok.))
15. Kain GPA (GPA eo kwar letok ijin lōñ, ej ñan high school ak kaloj?)
 - a. Kelet ko: High School, Kaloj ak Jikuul in katak jejjetin jermal
16. Kain Kaloj eo Kwōj Bebe am Jikuul Ie (Kain kaloj ak jikuul ta eo kwōj bebe in jikuul ie? (Waan joñak: ruo iio, emen iio, two-year, four-year, kombutor, jejjetin jermal))
 - a. Kelet ko: Jikuul an 2 Iiō, Jikuul an 4 Iiō, University an Graduate, Jikuul in Katak Kapeel in Juon Jermal

17. Iiō ilo Jikuul (Iiō in Jikuul eo ej Beddo Tok) (Ewi wāween iiō in jikuul eo am ilo naj iiō in jikuul eo juon? (Waan joñak: iiō eo kein kajuon, sophomore, junior, senior, rijikuul in graduate))
- Kelet ko: Iiō eo āliktata ilo high school ak kaloj /kilaaj12; iiō eo kein 1 in kaloj/Freshman; iiō eo kein 2 in kaloj e/Sophomore; iiō eo kein 3 in kaloj /Junior; iiō eo kein 4 in kaloj /Senior; iiō eo kein 5 ak 6 ilo kaloj; Graduate ak katak ko relablok ñan jejetin juon jermal; Kilaaj 6; Kilaaj 7; Kilaaj 8; Kilaaj 9; Kilaaj 11

Bulaan ko ñan Kaloj

18. Aelon eo ebed Kaloj (Aelon ta eo kwōj bulaan am etal im kaloj ñan iiō in jikuul eo ej beddo tok? Kelet aelon eo kaloj ak university eo am ebed, jekdoon ñe kwōj jikuul aunlain. Jino taipi naan aurok eo ilo jikin eo ijin lal ñan an walok melele eo kwōmaron kelet.)
19. Etan Kaloj ak University (Ta kaloj, university, ak jikuul eo kwōj bulaan e am jikuul ie (ak kwōj jikuul ie kiō)? Ñe kwōjab maron loe kaloj ak university eo am kwonaj kelet, taip/bukōt "Not Listed (Ejab Laajrak Etan)." Jino am taipi naan aurok eo ilo jikin eo ijin lal ñan an walok melele ko kwōmaron kelet.)
20. Kwar ke kelet "Not Listed (Ejab Laajrak Etan)" jen melele ko rej walok kōn Kaloj? Elañe aet, jouj im kelet Aet ijin lal innem taipi aoleben etan Kaloj eo am.
- Kelet ko: Aet, Jab
 - Ñe kwonaj kelet "Yes (Aet)": Jouj im letok etan kaloj eo am kwar kelet ijin.*
21. Katak ilo Kaloj (Ta eo kwoj bebe in katak kake ilo kaloj? Jino am taipi naan aurok eo ilo jikin eo ijin lal ñan an walok melele ko kwōmaron kelet.)
22. Raan in Kadiwōjlok jen Kaloj (Allōñ im iiō ta eo kwōj bebe am naj kadiwōjlok jen kaloj?)
23. Bebe in Jikuul kōn juon Katak in STEM (Kwōj ke bebe am katak kōn kilaaj ko rej bed iomwin Science, Technology, Engineering, ak Mathematics?)
- Kelet ko: Aet, Jab

Melele ko Jet

24. Jermal eo Eitok Limoom Kake ñan Jeklaj (Ta eo emmontata an kōmelele jermal eo kwōj katmane am bōke, ālikin am kadiwōjlok? Elañe kwōjab maron loe jermal eo kwoj kelet, jouj im taip/bukōt "Not Listed (Ejab Laajrak Etan)." Jino am taipi naan aurok eo ilo jikin eo ijin lal ñan an walok melele ko kwōmaron kelet.)
25. Kwar ke jermal ibben military? (Ilo ien in ak moktalok kwar ke jermal ibben Military eo an Amedka ak ROTC?)
- Kelet ko: Aet, Jab
26. Kwe ke armej eo kein kajuon ilo baamle eo am ej jikuul ilo kaloj? (Ñe jinom ak jemom wōt ak juon ian rilale ro am ekkar kadedelok tikori eo an io juon kaloj an 4 iiō ak jikuul eo eutiejkok, kelet Jab.)
- Kelet ko: Aet, Jab
27. Emōj ke am kanne FAFSA?
- Kelet ko: Aet, Jab
 - Ñe kwar kelet "Aet": Kwar ke ebōk am Pell Grant?
 - Kelet ko: Aet, Jab

Melele kōn Jikin Jermal

28. Kwe ak jinom ak jemom ear ke jermal ñan juon kombani eo ewōr an jāān in kolla wonnen jikuul jen kombani eo ñan rijermal ro ak ajiri ro nejin rijermal rej jikuul ilo jikuul ko reutiejkok?

a. Kelet ko: Aet, Jab

29. Ñe kwar kelet “Aet”: Jikin Jerbal 1 (taipi "Travis Pattern" ilo bok in)

Scholarship America – Kakien & Aikuj ko

30. Raan eo enaj Jinoe: Janwode 1, 2026

31. Kakien & Aikuj ko.

- a. Ilo ien am kōjerbal, lelok melele, ak lale webjait eo, peij in aunlain eo an ablikajon eo an jāān in jikuul, ak Peba ko Amim jen Scholarship America, Inc. im opij ko rej jermal ibbeir, bejneij ko aer, jikin ko rej letok kein jermal, im opij ko rej bōk eddoin im kolla wonnen jermal kein (“kōm”), kwe (“kwe”, “am”) ej errā in bokake Kakien & Aikuj ko (“Kakien ko”). Kwōnaj letok melele ilo webjait eo amim ilo am bokake Kakien kein im ñan wōt am bōk melele kōn jāān in jikuul im jāān in jibañ, kommane melele ko kōn kwe, kanne am ablikajon ñan burokraam eo amim, letok melele, ak ñan jabdewōt wāween ikijen burokraam in jāān in jikuul ak jāān in jibañ eo amim. Aoleb melele ko jet kwōj letok rejab jimwe im rejab melim.
- b. Ñe kwōjab errā kōn Kakien kein, jab letok melele ilo webjait eo amim, jab kōmman melele ko kōn kwe, jab letok juon ablikajon, im jab kanne melele kōn jabdewōt burokraam in jāān in jikuul ak jāān in jibañ ko amim.
- c. Ewōr amim maron in komman oktak, kabōjrak, ak jab woñmaanlok kōn Kakien ko ak jabdewōt mottan melele ko jabdewōt ien, im oktak kein renaj kaju jino ilo ien am likūt melele. An woñmaanlok am kōjerbal im letok melele ilo webjait eo amim ak ilo jikin aunlain ko an ablikajon ālikin kōjella eo kōn oktak kein enaj kalikar ke kwōj errā kōn Kakien ko rekāāl
- d. Aoleb melele ko kwoj letok ñan kōm rej bar aikuj bokake jabdewōt kakien, kōmelele, aikuj ak jekjek ko kōm naj kaju kenono ibbam kake ak melele ko kōm naj lewaj ilo bar juon wāween im elabtata ñan Kakien eo amim ikijen Wāween Kejbarok im Kōjerbal Melele, renaj bed ilo <https://scholarshipamerica.org/privacy-policy/> (the “Privacy Policy”), im emōj likūt ijin ñan am lale.
- e. Ñe ediklok jen 18 am iiō, innem kwōnaj kile ke jinom ak jemom ak rilale eo am enaj errā kake Kakien ko im jabdewōt kōmelele ko jet, aikuj, ak jekjek ko kōm naj kaju kenono ibbam kake ak melele ko kōm naj lewaj ilo bar juon wāween im elabtata ñan Kakien eo amim ikijen Wāween Kejbarok im Kōjerbal Melele (“Kakien ikijen Wāween Kejbarok im Kōjerbal Melele”), im emōj likūt ijin ñan am lale. Jabdewōt melele ej ba “kwe” ak “am) enaj koba jinom ak jemom ak rilale eo am elañe ediklok jen 18 am iiō.
- f. Ñe kwe ak ajiri eo nejum ediklok jen 13 an iiō, Kakien eo ej kejbarok wāween kōjerbal melele ko an ajiri ro rediklok jen 13 aer iiō aunlain (Children’s Online Privacy Protection Act, COPPA) enaj aikuj am letok kōjella jen jinen ak jemen im bōk kōmelim jen jinen ak jemen ajiri eo mokta jen amim maron bōk melele jen ajiri eo nejum. Kwōj aikuj letok melele ko ñan wāween amim maron tōbar eok ñan bōk kōmelim eo am.

32. Kallimur im Kamool Ejimwe Melele.

- a. Kōm naj bōk kallimur im kamool ke ejimwe melele ko jen kwe ilo ien amim etale im lelok ko an jāān in jibañ im jāān in jikuul. Ñan ad maron etale ak lelok jabdewōt jāān in jibañ ak nebar jen kōm, kwōj kallimur im kamool ke ejimwe aoleb melele ko emōj letok ilo jikin melele ko kōn kwe, ablikajon eo, juon melele in kamool, ak ien am bōke, ekoba jabdewōt kakobaba in peba ak peba in kamool emōj kakoba, ke rejimwe, dedelok, im an ien eo kwar lelok. Kwōj aikuj kaju kakobaba jabdewōt melele ak peba ko emōj am letok ñan kōm bwe kōm en etale ak lelok ibben jabdewōt jāān in jibañ ak jāān in jikuul kōm ej lewaj ñan kwe.

- b. Kwōj kōmelim amim kamool melele ko kwar letok im ñan amim lelok melele ko ñan opij im armej ak opij eo ej mōttan jabdewōt melele kwar letok ak bōk melele jen jikin melele ko kōn kwe, ablikajon eo, kamool, ak ien am bōke. Mennin emaron koba melele kōn jikuul, jāān, im melele ko kōn kwe make im emaron koba melele ko emōj watoke renaj kalikar woñ kwe im rej kejbarok iomwin jadewōt kakien, melele, ak aikuj.
- c. Ālikin am kōmmāne jikin melele ko kōn kwe ibbamim, kwōnaj woñmaanlok am kejbarok melele in deloñ ko am aunlain (elañe ewōr) im am eddo aoleb makūtkūt ko renaj kommane ilo akkaun eo am.
- d. Kwe im ro jet rejab aikuj lelok melele ko am rejab jimwe ak emōj ukōte, riab ke kwe bar juon armej, kakkure etale eo amim ak wāween amim lelok jāān in jibañ, jañiji kōmman ak ukōte peij eo aunlain, ak bōk melele kōn armej ro jet rej kōjberbal peij in aunlain eo amim. Ñe kwonaj komane jabdewōt makūtkūt kein ak makūtkūt ko jet remo, kwoban maron tobrak in bōke juon nebar jen kōm im kwomaron naj aikuj keij ibben kien kōn am ruprup kakien ak keij ibben opij eo.

33. Wāween Tōbrak & Ablikajon ñan Nebar ak Jāān in Jibañ.

- a. Ñan am maron tōbrak, aer kelet kwe, lewaj nebar, ak lewaj jabdewōt nebar jen jāān in jikuul ak jāān in jibañ ak ñan an melim an woñmaanlok ilo burokraam eo an jāān in jikuul, kwōj aikuj bokake Kakien kein im jabdewōt melele ak aikuj ko emōj lewaj ilo kōmelele. Am letok melele ko rejab jimwe, rebōd, ak jabikbik emaron jemlok ilo am jab tōbrak, aer bōke nebar eo, ak kwonaj aikuj karoollok nebar eo, ilo kajojo wāween ko enaj amim bebe in kelet kwoj aikuj ta.

34. Bōk Nebar ak Jāān in Jibañ.

- a. Ñe renaj kelet kwe ñan juon nebar, kwoj aikuj kalikar ñe kwōj bōke ak jab bōke nebar eo einwōt emōj lewaj ilo kōmelele iloan jejjetin ien eo innem woñmaanlok am kōmelim Kakien ko. Jabdewōt nebar kōm ej lewaj ej juon jāān in jibañ, im kōm ejab aikuj kallimur ak lewaj am maron iomwin kakien ke am nebar eo. Kōm maron kelet in dābiji nebar eo kōn jabdewōt wāween im jabdewōt ien.
- b. Ñan amim kōmadmōd im lewaj juon nebar, kōm aikuj am kōjejjetin ien am likūt melele ko am rejimwe (einwōt, etam ilo peba in kakien, raan in lotak, talebon nombā, im tibdikin melele ko kōn jikuul eo emōj kadeloñ etam) im kōm maron aikuj am letok bar jet peba in kamool ñan kōmadmōde nebar eo am (einwōt, jejjetin peba ko rej kalikar katak ko kwar bōke, kamool ke edeloñ etam ilo jikuul eo, melele ko an jikuul eo, ak ID eo an rijikuul).

35. Jerbal im Melele ko Armej rej Make Kommane, Maron Iomwin Kakien ñan Kadiwōjlok ñan Aoleb Armej.

- a. Aoleb kobban melele, peba, mejin, kakōlle ko, im software ko kōm ej lewaj (“Melele ko Amim”) kōm ej oner im rej kejbarok iomwin kakien ko rej kamo kōjberbal kapeel in jermal ak lomnak ko an juon armej, kakien eo ej kejbarok etan ak pija kakōlle eo an juon doulul ak bejne, ak kakien ko jet rej kejbarok jermal im melele ko armej rej make komane. Kwojab maron kabe, bar komman jermal ko rej einwot, kwalok jermal ko einwōt ñe am, kabe ki melele ko im likūt ilo bar juon jikin einwot ñe am, jela kilen kabe ak bar kommane, ak kojberbal Melele ko Amim ilo wāween eo ñan am bōk jerammon ilo an ejellok am kōmelim.
- b. Emej lewaj laijen eo ewor wāween am maron kojberbale iomwin jejjetin joñan ien, armej ro jet remaron kojberbale, im kwojab maron lelok ñan bar juon armej ñan kōjberbal ilo webjait in ñan am make kommane melele ko kōn kwe, kanne am ablikajon ñan jāān in jikuul ak jāān in jibañ, im kōmadmōde juon nebar elañe renaj lewaj juon.

- c. Ñe kwonaj lelok jabdewōt lomnak, rōjañ, bebe, ak jet bar melele (“Submissions (Melele ko Emōj Lelok)”) ñan kōm einwot aer möttan ablikajon eo am ak bar juon wāween, kwoj letok melim bwe kōm im ro kōm ej jitoñ ibelakin lal in, im ejab maron ukot, ejellok kolla waj, ñan aer maron kojberbal mottan laijen eo ñan kojberbal, bar kommane, kaajeeded, kojella ñan aoleb armej, im kommane jberbal ko rej einwot Melele ko emoj Lelok ilo jabdewot wāween.
- d. Ilo ien am letok melele ñan kōm, kwoj letok kōmelim bwe kōm en maron kōjberbal etam, city/state eo kwoj jokwe ie, melele ko an nebar eo, pija, bideo, pijaan kwe, melele in kamool, im melele ko kōn kwe ñan lelok melele in rōjañ, kareel, ripoot, lelok melele ñan armej, ak jberbal ko jet an bejnejo eo, ekoba likūt melele ko ilo jeje, aunlain, im social media, ilo am jab kolla, ijellokun ñe emo kommane men kein iomwin kakien. Am bebe in koba ilo makūtkūt kein. Kōm maron bar kajjitōk pija, bideo, ak melele ko jet jen kwe ilo ien am bōk nebar eo jen kōm.
- e. Kwomaron kelet bwe kōm enjab kile kwe ilobelej ilo am letok kōjella ilo jeje ñan data@scholarshipamerica.org. Ilo ien eo kōm naj loe im kōmadmōde kajjitōk eo am, kōm naj kamool ñan kwe ke emōj am jolok am letok kōmelim in kommane men kein. Ñe kwonaj jolok kōmelim eo am ñan kwalok melele ko am ilobelej, innem kōm maron kabōjrak am bōk nebar eo kōn jabdewōt wāween ilo jabdewōt ien.

36. Kōmelele ke Ejellok Kallimur im Eddo ñan Jorrāān ko Remaron Walok.

- a. MELELE KO KŌM EJ LEWAJ “EINWŌT AM LOE” IM KŌM EJAB LEWAJ KALLIMUR KE RENAJ JEJJET ÑAN JABDEWŌT WĀWEEN, JEKDOON ÑE EMŌJ BA AK LOMNAK, EKOPA, ILO AN EJELLOK JOÑAN JEMLOK, KALLIMUR KO EMOJ LOMNAK KE EMMON JOÑAN, EJEJJET ÑAN WĀWEEN EO, EJELLOK KALLIMUR AER MELELE AK MARON KO, IM EJELLOK KALLIMUR KE RENAJ KAKKURE MARON KO AN BAR JUON ARMEJ AK OPIJ.
- b. Kōm ejab kallimur ke jberbal in jibañ ko reban bōjrak, ejellok bōd, kejbarok, ak ejellok mottan ko rekauwōtata (viruses, malware, bar jet). Am eddo in bōke, kejbarok, im kolla wonnen aoleb melele ko kwōj bōke ilo talebon ak kombuitor, hardware, im software ko kwoj aikuj ñan am loe Melele ko Amim.
- c. ÑAN JOÑAN LABTATA EO EMELIM IOMWIN JEJJETIN KAKIEN EO, EJELLOK WĀWEEN KE KŌM, OPIJ KO KŌM EJ JERBAL IBBEIR, OPIJ KO REJ KOLLA WONNEN JERBAL IN, OPIJ KO REJ LETOK LAIJEN, AK RITEL, OPIJA, RIJERBAL AK RIKŌMADMŌDE JERBAL KO RO AER ENAJ AER EDDO ÑE EWŌR JABDEWŌT JORRĀĀN KO RENAJ KAJU WALOK, WALOK TOKELIK JEN BAR JUON WĀWEEN, JIDIK AN LABLOK WONNEN KO REJ WALOK JEN JORRĀĀN, LABLOK LUUJ KO REJ WALOK JEN JORRĀĀN EO KEIN KAJUON, JĀĀN EO JIKIN EKAJET AIKUJ AM KOLLA ÑAN KABŌJRAK MAKŪTKŪT EO EJAB EMMON AK LELOK KAJE KŌN JERBAL EO EJAB EMMON, LUUJ TŌBRAK IN JĀĀN, JAKO MELELE AUROK, BŌJRAK AN BEJNEJ EO MARON KOMMAN JERBAL, WALOK JEN AK IKIJEN JERBAL IN JIBAÑ KO, ABLIKAJON, MADMŌD IN NEBAR EO AK KAKIEN KEIN, JEKDOON EWŌR KOONTOREAK, BŌD EO EJ KOMMAN AN JUMAE ILO JIKIN EKAJET (EKOPA AN ARMEJ EO JAB NIKNIK INNEM EKOMMAN AN WALOK JORRĀĀN), KAKIEN EO KE ARMEJ EO EAR KOMMANE JORRĀĀN EO ENAJ AN EDDO JEKDOON EAR KEJBAROK WĀWEEN AN JERBAL. JET JIKIN KO EWŌR AER MAKE KAKIEN REMARON AB KOMELIM EDDO IN JORRĀĀN EO AK KADIKLOK AK KAMO JOÑAN EDDO EO AN ARMEJ EO AK WONNEN JIDIK KO RELABLOK REJ WALOK JEN JORRĀĀN KO, INNEM KAKIEN KEIN REMARON JAB JERBAL ÑAN KWE.

37. Kabōjrak.

- a. Kōm maron jejbāan ak kabōjrak am deloñe webjait ak jikin aunlain eo amim ilo ien eo wōt, ilo amim jab lewaj kōjella, elañe kwonaj rupe Kakien kein ak ñan jabdewōt wāween eo enaj amim make bebe. Ilo ien eo kōm naj kabōjrak am kōjeral jikin kein, maron ko am ñan kōjeral webjait eo renaj jemlok im emaron jako am maron koba ilo burokraam ko amim. Ilo ien eo enaj bōjrak am kōjeral men kein, kwōnaj kabōjrak am letok melele ilo webjait eo im jolok jabdewōt melele ko kwar download.

38. Kakien eo an Kwon & Jikin Kakien.

- a. Kakien kein renaj jeral iomwin kwon eo im renaj melele kaki ekkar ñan kakien ko an State eo an Minnesota, im reban kōjekdoon kakien ko ñe enaj jeral kakien ko jet ilo wāween in.
- b. Ñe enaj walok jabdewōt jumae jen melele ko an Kakien kein ak am koba ilo jabdewōt burokraam in jāān in jikuul ak jāān in jibañ ko amim, renaj aikuj an pade eo kein kajuon kommane jemlok eo an abnōnō eo. Madmōd eo ibben pade eo kein jilu aikuj komman ilo an loore jejetin kakien ko an American Arbitration Association (Doulul eo an Pade ro Kein Kajilu rej Lale Abnōnō ilo Amedka) ilo Minneapolis Minnesota. Ñe enaj ejellok doulul rōt in, pade eo kein kajilu enaj komman jen opij eo ej bōk jeral in, ak jen bar juon doulul an pade ko kein jilu rej lale abnōnō, iloi enaj etal kajjitōk bwe pade eo kein kajilu en komman jemlok ñan abnōnō eo. Kelet eo an pade eo kein kajilu enaj āliktata im jemlok eo an aoleb pade ro. Pade eo enaj wiin enaj wōr an maron in bōk wonnen ko ear kollaiki jen pade ro jet ñan kollaiki wonnen eo an pade eo kein kajilu ej kōmadmōd jemlok in abnōnō, wonnen eo an loar im wonnen ito tak, kamool eo an armej eo etijemlok an jela melele, im wonnen ito tak ko an armej ro retijemlok kōn melele, im wonnen ko jet rej walok jen keij eo.

39. Kakobaba in melele ko jet.

- a. Ñe jabdewōt jejetin melele ilo Kakien kein renaj loe ke ejab melim iomwin kakien, ejellok, ak rejab maron kabin, melele ko jet renaj woñmaanlok aer jejetin im aikuj loor aikuj ko.

Kein 4: Jibed “Create Profile (Kōmmāne Melele ko kōn Kwe)” ilo itulal in peij in

Create Profile

Kein 5: Jibed Kanne Ablikajon

Travis Companies Scholarship

Melele kōn Burokraameo

Travis Companies Scholarship

Wāween Am Maron Tōbrak

Armej ro rej kanne aer ablikajon ñan Travis Companies Scholarship rej aikuj:

- Ajiri ak jibin, dettan iiō 23 ak diklok, an rijerbal ro an Travis Pattern im kombani ko jet mōttan im ediktata 3 iiō in aer kar jino jermal jen raan eo āliktata an ablikajon eo.
- Senior ro ilo high school ak ro emōj aer kadiwōjlok, ak rijikuul ro rej kaloj kiō, im rej bebe ñan aer jikuul ilo juon kaloj eo emōj kile kōn likiio in awa ilo kaloj eo an ruo iiō ak emen iiō, university, ak jikuul in katak jejjetin jermal kapeel ilo Amedka ñan aoleben iiō in jikuul eo ej beddo tok.

Kein 6: Kamool Melele ko kōn Kwe *(etal ñan ilal innem kelet Save Profile & Continue (Kakwone Melele ko kōn Kwe & Woñmaanlok)*

Ñan kajojo ablikajon kāāl eo kwoj jino kommane, kwōj aikuj etale melele ko kōn kwe im kommane jabdewōt oktak ko kwoj aikuj mokta jen am kanne ablikajon. Jabdewōt melele ko kwonaj likūt ijin renaj kakwone ñan melele ko kōn kwe ilo am woñmaanlok kōn peba eo am.

Kein 7: Ablikajon eo an Travis Companies Scholarship

Melele ko an Rijerbal eo ej Jinen ak Jemen ak Rilale

Jouj im likūt melele ko an an rijerbal eo ilo Travis Pattern im kombani ko jet mottan im ej jinen ak jemen, jibin ak jimman, ak rilale armej eo ilo ablikajon in.

Jikin ko kwonaj kanne melele:

1. Etan First Name
2. Etan Last Name
3. ID Nomba an Rijerbal
4. Raan eo ear Teru in Jerbal
5. Email Atorej an Rijerbal
6. Talebon an Jikin Jerbal
7. Jikin Jerbal
 - a. Aelon
 - b. City
 - c. State/Province/Region
8. Kadkad eo an ñan Armej eo ilo Ablikajon
 - a. Kelet ko: Jemen; Jinen; Rilale ilo Peba in Kakien; Riabin Jemen; Riabin Jinen; Jibin ak Jimman; Bar juon
 - b. *(Ñe kwar kelet bar juon)* Kadkad eo an Armej eo Juon ñan Armej eo ilo Ablikajon eo

Melele kōn High School

Letok melele in katak ko ilo jikuul emōj kajjitōk ijin lal Provide (elañe ewōr).

1. Jikuul eo am ej ke lewaj joñan eo am jen aoleben kilaaj eo am?
 - a. Ñe kwar kelet “Aet”:
 - i. Joñan eo am ilo Kilaaj in High School (nomba eo ebañ diklok jen 1 ak lablok jen 9999)
 - ii. Jete Rijikuul ilo Kilaaj eo ilo High School (nomba eo ebañ diklok jen 1 ak lablok jen 9999)
 - b. Jikoor eo Eutiejtata ilo teej eo an SAT ñan Joñan Melele Riit im Jeje (nomba eo ebañ diklok jen 200 ak lablok jen 800)

- c. Jikoor eo Eutiejtata ilo SAT ñan Joñan Melele Math (nomba eo ebañ diklok jen 200 ak lablok jen 800)
- d. Jikoor eo Eutiejtata ilo ACT ej Kakobaba jen Aoleben Teej eo (nomba eo ebañ diklok jen 1 ak lablok jen 36)

Melele kōn Kaloj

Letok melele kōn kaloj ak jikuul eo eutiejlok kwōj bebe am naj jikuul ie ilo iiō in jikuul eo ej beddo tok.

1. Jekjek in an Deloñ Etam ilo Jikuul
 - a. Kelet ko: Likiiio in Awa, Jimettan Awa, Diklok jen jimettan in awa
2. Tikori eo kwoj kōtōbar in bōke
 - a. Kelet ko: Peba in Kamool, Associates, Bachelors, Graduate

Jerbal ko Am

Kōlaajrak jermal ko am mokta kwar ebōk am kolla iloan iiō ko emen remootlok (waan joñak: rilelok mōñā, cashier, rikōkkaajiriri, rijermal eo ej karreo inaboj im melan ko, jermal ilo opij). Ñan kajojo jermal, kalikar raan ko kwar jermal, aoleben joñan allōñ ko kwar jermal, im joñan awa ko ekkā am kar jermal iloan juon wiik. Ñan am ripoot kake jermal ko jet, jibed 'Aet' ñan am Likūt Melele in Jerbal ñan kajjitōk eo ijin lal. Kwōmaron ripoot labtata 8 jermal.

1. Likūt Melele kōn Jerbal: Kelet ko: Aet, Jab
 - a. Ñe kwar kelet “Aet”: Jikin Jerbal 1 (Ilo ien in / Āliktata)
 - b. Etan/Jermal eo an Rijermal
 - c. Raan in Jinoe
 - d. Kwōj ke jermal wōt?
 - i. Kelet ko: Aet, Jab
 - e. Aoleben Joñan Allōñ ko Kwar Jerbal
 - f. Joñan Awa ko Kwar Jerbal ilo Juon Wiik *
 - i. Kelet ko: 0-4, 5-15, 16-31, 32-40, Lablok jen 40
 - g. Likūt Jerbal 2
 - i. Kelet ko: Aet, Jab

Makūtkūt ak Jerbal, Nebar, im Anar:

Letok melele kōn makūtkūt ko am ilo jikuul im am lelok jibañ (kwojab kolla) iloan iiō ko emen remootlok (waan joñak: doulul in opija ko an rijikuul, keem in ikkure ko, kōjañjañ, Scouts, jibañ ilo aujbitol, ritel eo ej lelok jibañ im katak). Ñan kajojo makūtkūt, kalikar iiō in jikuul ko kwar bōk kwonaam, jermal in tel ko ak opij ko kwar jermal ie, im nebar im anar ko emōj am bōke. Ñe kwar koba wōt ilo allōñ in jemar ko, kakōlle iiō in jikuul eo an jemar eo juon kōn am kar koba ilo makūtkūt kein.

Kōjenolok am ripoot kake kajojo makūtkūt. Ñan am ripoot kake makūtkūt ko jet, jibed 'Aet' ñan am Likūt Makūtkūt eo ñan kajjitōk eo ijin lal. Kwōmaron ripoot kake 20 makūtkūt labtata.

1. Likūt Makūtkūt- Kelet ko: Aet, Jab
 - a. Ñe kwar kelet “Aet”: Etan Makūtkūt

- b. Iiō ko an Makūtkūt
 - i. Kelet ko: Iiō in Jikuul eo Kiō, Iiō in Jikuul eo ej kab Jemlok, 2 Iiō Moktalok, 3 Iiō Moktalok
- c. Ta melele ko laajrak kwōkonaan likūt ñan makūtkūt in? Kelet ko: Jerbal in Tel/Opij eo ear Jerbal, Jerbal in Tel/Opij eo juon ear Jerbal, Nebar/Anar eo rar Lelok ñan Makūtkūt in, Nebar/Anar eo juon rar Lelok ñan Makūtkūt in
 - i. Ñe kwar kelet “Aet” ñan jabdewōt melele ko ijin lōñ:
 - 1. Jerbal in Tel/Opij eo ear Jerbal ñan Makūtkūt in im/ak Nebar/Anar eo rar Lelok ñan Makūtkūt in
 - ii. Iiō in Tel/Iiō ko an Nebar: Kelet ko: Iiō in Jikuul eo Kiō, Iiō in Jikuul eo ej kab Jemlok, 2 Iiō Moktalok, 3 Iiō Moktalok

Melele in Kamool kōn Kōtōbar

Ba tok kōtōbar im kōnaan ko am ikijen jikuul im jerbal. Joñan naan eo elabtata kwomaron kōjerbal: 200 naan

Wāween ko Rejeja Am Make ak an Baamle eo Am

Jouj im kōmelele wāween im ñaat eo ear wor jabdewot wāween ko rejeja am make ak an baamle eo am im rekkar komman am jab maron tōbrak ilo jikuul, wāween am kar jerbal, ak am koba ilo makūtkūt ko ilo jikuul ak jukjukinbed eo. Joñan naan eo elabtata kwomaron kōjerbal: 200 naan

Melele kōn Jāān

Rijerbal eo an Travis Pattern im kombani ko jet mottan aikuj letok melele ko an ñan jikin in ilo ablikajon eo.

Kōmelele kōn Jekjen eo an Melele kōn Jāān:

Jekjen eo an Melele kōn Jāān ilo ablikajon in aikuj an rijerbal eo kanne. Melele eo aikuj itok jen peba in eowoj eo emoj an dedelok ak itok jen melele eo rej antoone im ear bael ibben opij eo an IRS.

1. State eo ej Jokwe ej state eo jinen im jemen rej jokwe ie im kollaiki state eo eowoj jen kolla ko aer.
2. Joñan Kolla Mokta jen Kankan emōj Jañiji kwonaj loe ilo IRS PEBA 1040 im aoleben joñan kolla mokta jen kankan enaj diklok jen jejetin oktak ko emelim iomwin kakien.
3. Aoleben Joñan Eowoj eo ear Kolla ñan Kien eo an Federal ej aoleben joñan eowoj jen kolla ñan kien eo an federal enaj kollaiki einwot emoj ripoot ilo IRS PEBA 1040. Ejab joñan eo ej dābdeb jen jek in kolla ko an rijerbal. (Joñan eo ej dābdeb aikuj oktak jen jabdewōt bwe ak lablok in eowoj ko rej aikuj kolla). Jab ripoot eowoj jen kolla an state.
4. Aoleben Joñan Kolla eo an jinen im jemen aikuj jenolok an ripoot. Jouj im letok molin jinen im jemen elane kwomaron. Ñe rijikuul eo ej jokwe ibben jinen ak jemen wot, melele kōn jāān aikuj itok jen rijerbal eo ak armej eo ej uwaan kombani eo ej kollaiki wonnen burokraam in jāān in jikuul eo. Ñe emōj an jinen ak jemen bar marre ñan juon armej, melele ko an armej eo belen aikuj lelok elañe armej in belen ej rilale eo ilo peba in kakien an rijikuul in, ak ñe rijikuul eo ej koba ilo bulaan in injuran eo an armej in belen jinen ak jemen. Elañe

aikuj, rijikuul eo emaron lelok ruo jekjen ko an Melele kōn Jāān. Juon kabe in jekjen eo an Melele kōn Jāān emaron komman ñan an jinen im jemen kajojo aer kanne peba im melele ko.

5. Kolla im Jibañ ko rejab Kolla Eowoj ekoba jabdewōt kolla ak jibañ ejab koba ilo melele in aoleben kolla eo mokta jen kankan emōj jañiji. Jab likūt jāān ko kwar likūt im rejab kolla eowoj ñan bulaan in retirement ko.

6. Wonnen Taktō im Taktō in Ñi ekoba wōt wonnen ko injuran ejab kolla wonnen. Jab likūt kolla ko wonnen bulaan in injuran eo aoleb allōñ.

7. Aoleben Joñan Jāān, Akkaun in Checking, Savings, Joñan Jāān ilo Joortoklik, bar jet, ekoba mweiuk ak joortoklik ko remaron jāān im kwomaron kōjjerbal ñan wonnen jikuul. Jab kobaiki IRA, 401k, ak jāān ko an bulaan in retirement ko jet.

8. Aoleben joñan Armej ro ilo Baamle eo rej jokwe mweo im rej mour jen kolla eo emōj ripoot emaron koba armej rein:

- armej eo ilo ablikajon eo
- jinen im jemen armej eo ilo ablikajon eo
- ajiri ro jet rej jokwe mweo
- rijikuul in kaloj ro kwoj bōk eddoier im rejab jokwe mweo
- armej ro jet rej jokwe mweo im rej bōke elablok jen jimettan in joñan eo ñan aer mour jen kolla eo emōj ripoot

9. Jekjekin Belele eo an armej in ej jekjek in belele ilo ien in an armej eo rej lelok melele in jāān ko an.

10. Jen joñan armej ilo baamle eo ilo lain 8, Joñan Rijikuul ro rej Kaloj ekoba armej ro uwaan baamle eo ej jikuul ilo kaloj eo an ruo iō ak emen iō, university, ak jikuul in katak jejjetin jermal ejab diklok jen jimettan awa. Ekoba armej eo ilo ablikajon in ilo bōnōbōn in. Jab likūt jinen im jemen.

KEMEMEJ: Ñe kwōjab maron letok melele ko kōn jāān einwōt emōj kōmelele ijin lōñ kwōnaj aikuj lelok melele ilo jeje kōn wūnin am jab maron ñan Scholarship America.

Elañe aikuj, juon print eo ejenolok in [Financial Data Form \(Peba kōn Melele in Jāān\) \(PDF\)](#) (link eo ebed ilo ablikajon eo) emaron lelok ñan an jinen ak jemen kanne elañe jinen im jemen jimor rejab maron lelok ablikajon eo aunlain. Jinen ak jemen eo ej ej lale ajiri eo im likūt etan ilo peba in eowoj aikuj letok melele ko ijin lal

1. State eo ej Jokwe ie
 - a. Aelon (kelet)
2. State/Province/Region (kelet)
3. Joñan Kolla Mokta jen Kankan Emōj Jañiji
4. Aoleben Joñan Eowoj eo ñan Kein eo an Federal Emōj Kollaiki
5. Aoleben Joñan Kolla eo an Rijerbal
6. Aoleben Joñan Kolla eo an Jinen ak Jemen/Rilale eo
7. Kolla im Jibañ ko ilo Juon Iiō rejab Aikuj Kolla Eowoj
8. Wonnen Taktō im Taktō in Ñi ko Injuran Ejab Kolla Wonnen
9. Aoleben Joñan Jāān, Akkaun ko ilo Checking, Savings im Joñan Jāān jen Joortoklik
10. Jete armej ro uwaan baamle eo rej jokwe mweo im elab aer mour kōn kolla eo ilo ripoot eo?

11. Melele kōn Bebele eo an Rijerbal

a. Kelet ko: Jebel ilo Peba, Rimarre, Jebel, Make, Emij armej eo belen

12. Jete armej uwaan baamle eo am rej kaloj ejab diklok jen jimettan awa iloan iiō in jikuul eo ej beddo tok? (koba armej eo ilo ablikajon in bōtab ejab jinen im jemen)

Armej eo ej Lelok Melele in Rōjañ

Einwōt mottan ablikajon eo am, juon peba aunlain ej lelok melele in rōjañ aikuj etal ikijem:

Armej ro rej lelok melele in rōjañ rej ro remaron lelok melele kōn kapeel, kajur, im kōtōbar ko am (waan joñak, juon koonjelor ilo jikuul, supervisor ilo jikin jermal, professor/rikaki, coach ak juon eo ej lewaj kapilok). Armej eo ej lelok melele in rōjañ ejab aikuj nukum.

Ilo peij eo juon, likūt armej ro ej lelok melele in rōjañ ilo am jibed 'Add a New Request (Likūt juon Kajjitōk Kāāl)' innem likūt etan, jermal/taitol, email atorej innem jibed Jilkinlok Kajjitōk. Mennin enaj kaju jilkinlok juon email ñan armej eo.

Am eddo in lale ibben armej eo ej lelok melele in rōjañ ñan lolorjak ear loe email eo. Kememej bwe armej ro rej lelok melele in rōjañ remaron aikuj ien kōnke elab aer boub.

Kwōmaron jañiji etan armej ro rej lelok melele in rōjañ mokta jen am lelok ablikajon eo. Ilo ien emōj am lelok ablikajon eo am, kwojab maron ukote jabdewōt.

Jibed 'Next (Tokelik)' ñan am likūt im kūr armej eo ej lelok melele in rōjañ kōn kwe.

Kajjitōk Melele in Rōjañ

Kōjermal jekjen in ñan kajjitōk juon melele in rōjañ.

Kwōj aikuj lelok joñan kajjitōk eo ediktata ej 0. Kwōmaron lelok joñan kajjitōk eo elabtata ej 1.

Jibed “Add a New Request (Likūt Bar Juon Kajjitōk Kāāl)” ñan jinoe. Kōmelele ko: Jouj im likūt etan first name, last name, taitol (am bebe lelok) im email an kajojo armej eo enaj loe kajjitōk eo.

1. Etan First Name
2. Etan Last Name
3. Jermal ak Taitol (am bebe lelok)
4. Email Atorej

Jibed “Send Requests (Jilkinlok Kajjitōk ko)” ñan kadedelok jermal in.

Peba in Kamool ko

Einwōt mottan ablikajon eo am, kwōj aikuj kadeloñ peba kein laajrak:

Juon peba ej kalikar melele in katak ewalok kureet im an torre in im ewor aoleb melele. Rejab bōke ripoot in kureet ko. Peba ko rej kalikar melele kōn katak rej aikuj walok:

- Etan rijikuul

- Etan jikuul
- Kureet ko
- Awa in kredit ko an kajojo katak im ien eo ear bōke kajojo kilaaj.

KEMEMEJ: Ñe kwoj lelok jikoor ko an teej ko an SAT im ACT, im jikoor ko rejab walok ilo peba eo ej kalikar melele kon katak, kwonaj aikuj kōjenolok am kadeloñ kabe in ripoot (ko) an jikoor in teej ko am. Ñe kwoj kadeloñ peba eo ej kalikar melele kōn katak ko ilo kaloj, ejab aikuj am lelok jikoor ko.

Enaj deloñ peba eo am ilo ien etan bael eo enaj walok ilo jikin Lale eo ijin lal innem juon x kilmej enaj walok ituanmoon in jikin kanne melele eo.

1. Peba ej Kalikar Melele kōn Katak ak Jikuul
 - a. Jibed “Choose File (Kelet Bael)” ñan kelet e bael eo jen talebon ak kombuitor eo nejum
2. Peba kōn Jāān (am bebe lelok)
 - a. Elañe aikuj, kwomaron lelok juon peba ejenolok [Financial Data Form \(Peba kōn Melele in Jāān\) \(PDF\)](#)
 - b. Jibed “Choose File (Kelet Bael)” ñan kelet e bael eo jen talebon ak kombuitor eo nejum

Kamool im Jain in Etam

Ilo aō lelok ablikajon in, ij kile ke melele ko kōn na rejimwe im an torre in, im ej errā ke ablikajon in ej loore Kakien im Aikuj ko rej koba ibben melele ko kōn na. Ijela ke aō maron tōbrak, kelet, im jabdewōt jemlok ko kōn nebar renaj aikuj loore Kakien im Aikuj ko, im aō lelok melele ko rejab jimwe ak rejabikbik emaron jemlok ilo aō jab maron koba ilo burokraam eo.

1. Jain in Etan Armej eo an Ablikajon eo
 - a. Ilo am taipi ak jaini etam ijin lōñ innem jibed lelok, kwōj jaini etam ilo peba in aunlain. Kwōj errā ke jain in etam ilo kombuitor ej aikuj ilo kakien, im ej einwōt am jain kōn elton beim. Kwōj bar lelok kōmelim in kōjerbal rekoot in melele ko aunlain ñan jermal in. Ñe kwōkōnaan bōke kabe ilo peba ak jolok am kōjerbal rekoot in melele ko aunlain ilo jeklaj, jouj im kebaak kōm ilo legal@submittable.com.
2. Raan eo ear Jain Etan Armej eo an Ablikajon eo
3. Jain in Etan Rjermal
 - a. Ilo am taipi ak jaini etam ijin lōñ innem jibed lelok, kwōj jaini etam ilo peba in aunlain. Kwōj errā ke jain in etam ilo kombuitor ej aikuj ilo kakien, im ej einwōt am jain kōn elton beim. Kwōj bar lelok kōmelim in kōjerbal rekoot in melele ko aunlain ñan jermal in. Ñe kwōkōnaan bōke kabe ilo peba ak jolok am kōjerbal rekoot in melele ko aunlain ilo jeklaj, jouj im kebaak kōm ilo legal@submittable.com.
4. Raan eo Rjermal ej Jaini Etan

Ta ko kwōnaj kōmmane Āliktata

Ālikin am jibed "**Save Draft & Exit Section (Jekjen Kakwone Jermal & Diwōj)**" ijin lal, kiō kwonaj **Review (Etale)** im **Submit (Lelok)** ablikajon eo am.

1. Ñe ewōr jabdewōt jekjen ko emōj kalikar ilo būrōrō, ejako melele eo kwōj aikuj lelok. Kwoban maron lelok mae ien enaj dedelok am lelok aoleb melele ko aikuj.
2. Ñe ejellok kakōlle ilo jekjen ko ke ewōr melele ko rejako, jibed "**Review (Etale)**" ñan etale ablikajon eo am ñan lolorjak emōj am likūt aoleb im ejimwe aoleb melele ko am.
3. Ilo ien emōj am etale ablikajon eo am, jibed "**Submit (Lelok)**" ilo ien eo kwobojak.

Kememej: Mokta jen am jibed lelok, kamool ibben Armej (ro) rej lewaj jibañ in rōjañ ke emōj loe kur eo. Kwōjab maron bar jilkinlok juon kūr ālikin am lelok ablikajon eo am.

- Rebañ watoke emōj loe ablikajon eo am mae ien emōj am lelok.
- Ilo ien eo emōj lelok, kwōjab maron komman jabdewōt oktak ilo ablikajon eo am ijellokun ñe rijerbal eo ej kōmadmōde peba ko enaj kajjitōk am kommane.
- Remaron jab lale ablikajon ko renaj etal ālikin raan eo āliktata.